

吳伯雄
編

陳壽祺全集

①2



廣陵書社

陳壽祺全集

 廣陵書社

第十二册

韓詩遺說考五卷（卷一至卷二）清陳壽祺撰清陳喬樞述……………

韓詩外傳

韓詩道說攷自序

詩之有韓齊韓亡猶春秋之有公穀鄒夾也鄒氏無師
夾氏未有書故其傳不顯於世詩則魯齊韓三家竝立
學官家前戶習終兩漢之世經師稱極盛矣顧自魏晉
改代毛鄭詩行而三家之學始微韓詩雖最後亡持其
業者益寡惟杜瓊著韓詩章句十餘萬言見於蜀志張
紘從濮陽閻受韓詩見於吳書崔季珪少讀韓詩就鄭
氏學見於魏志晉大康中何隨治韓詩研精文緯見於
中陽國志外此恒不數觀焉夫去聖久遠學不厭博漢
世褒顯儒術建立五經爲置博士一經之學數家競爽

凡別名家者皆增置博士各以家法教授所以扶進微
學尊廣道統也後之人因陋就簡安其所習毀所不見
師法既失家學就湮豈非學士大夫之過歟稽之漢書
藝文志韓詩經二十八卷韓故三十六卷內傳四卷外
傳六卷韓說四十一卷而隋書經籍志祇載韓詩二十
二卷薛氏章句唐書藝文志則載韓詩卜商章韓嬰注
二十二卷又外傳十卷然觀唐人經義及類書所引韓
詩要皆薛氏章句爲多至於內傳僅散見一二焉據後
漢書儒林傳言薛漢世習韓詩父子以章句著名又言
杜撫少受業於薛漢定韓詩章句其所作詩題約義通

學者傳之曰杜君注疑唐書藝文志所載當卽此種故
卷數與漢志不同雖題爲韓嬰注知非太傅之舊本蓋
韓故韓說二書其亡佚固已久矣他如趙長君詩細世
雖不傳然韓詩譜二卷詩厯神淵一卷侯包韓詩翼要
十卷其列隋志是其書猶未盡佚惜當時定五經正義
專主毛詩鄭箋獨立國學韓詩雖在世所不用課士不
取人無能明之者陸元朗經典釋文間採毛韓異同而
畢淵尚多斯亦稽古者之大憾也宋元以後毛鄭詩亦
復罕有專門而韓詩之傳遂絕其勵有存者外傳十篇
而已說者因班志有取春秋采雜說咸非其本義之語

韓詩遺說攷

自序

二

遂皆其不合詩意不知董仲舒有言詩無達詁劉向亦言詩無通故讀詩之法亦貴善以意逆志耳太史公儒林傳稱韓生推詩人之意而爲內外傳數萬言其語頗與齊魯閒殊然其歸一也夫詩三百篇中邇之事父遠之事君興觀羣怨之旨於斯焉備其主文而譎諫也言者無罪聞之者足以戒善惡美刺蓋不可不察焉孟子曰王者之迹熄而詩亡詩亡然後春秋作然則詩之與春秋固相爲維持世道也子夏序詩言國史明乎得失之迹傷人倫之廢哀刑政之苛吟咏情性以諷其上達於事變而懷其舊俗者也今觀外傳之文記夫子之緒

論典春秋雜說或引詩以証事或引事以明詩使爲法者彰顯爲戒者著明雖非專於解經之作要其觸類引伸斷章取義皆有合於聖門商賜言詩之意也况夫微言大義往往而有上推天人性理明皆有仁義禮智順善之心下究萬物情狀多識於鳥獸草木之名考風雅之正變知王道之興衰夫固天命性道之蘊而古今得失之林耶先大夫纂撰三家詩遺說未卒其業喬樅敬承先志於韓詩詁訓凡羣籍所徵引者旁搜博採薈萃成帙釐爲五卷細加考証其各家所述韓詩佚說有與毛氏文異而義仍同及文同而義或異與夫文義並同

者咸備採之以資參攷至外傳中引詩者皆散附各篇
其於詩文無所附者別爲一卷著錄於末凡以存韓氏
專家之學云爾
昔道光二十年歲在庚子侯官陳喬樞
敘于京都城南之虎坊橋試館

韓詩敘錄

侯官陳喬樞學

韓生

漢書曰
名嬰

韓商

史記儒林傳韓生者燕人也孝文帝時爲博士景帝時

爲常山王太傅

韓生推詩之意而爲內外傳

王爲常山王太傅

收萬言頌與齊魯閭姝然其歸一也淮南貢生受之自

是之後而燕趙間言詩者由韓生韓生孫商爲今上博

上

冰郡韓生

韓詩敘錄

敘錄

漢書儒林傳韓生亦以易授人推易意而爲之傳燕趙
間好詩故其易微惟韓詩自傳之武帝時嬰嘗與董仲
舒論於上前其人精悍處事分明仲舒不能難也孝宣
時涿郡韓生其後也以易徵待詔殿中曰所受易卽先
太傅所傳也嘗受韓詩不如韓氏易深太傅故專傳之
生毛詩指說云貢生傳河內趙生

趙子

漢書儒林傳趙子河內人也事燕韓生授同郡蔡誼
蔡義

漢書蔡氏傳蔡義河內溫人也以明經給事大將軍莫

府久之詔求能爲韓詩者徵義待詔久不進見義上疏
曰臣山東草萊之人行能止所比容貌不及衆然而不
弃人倫者竊以臣聞道於先師自託於經術也願賜清
閒之燕得盡精思於前上召見義說詩甚說之擢爲光
祿大夫給事中進授昭帝敕歲拜爲少府遷御史大夫
代楊敞爲丞相封陽平侯薨謚曰節侯

食子公

漢書儒林傳蔡誼授同郡食子公與王吉吉爲昌邑中
尉食生爲博士

王吉

王駿

王崇

漢書王吉傳吉字子陽瑯琊人也少時學明經爲
郡吏舉孝廉爲郎遷雲陽令舉賢良爲昌邑中尉而王
好遊獵驅馳國中動作無節吉上疏諫爭甚得輔弼之
義雖不治民國中莫不敬重焉久之昭帝崩少嗣大將
軍霍光秉政迎昌邑王王旣到卽位二十餘日昌行淫
亂廢昌邑羣臣皆下獄誅唯吉昌忠直數諫正得減死
起家復爲益州刺史病去官復徵爲博士諫大夫是時
宣帝頗修武帝故事宮室車服盛於昭帝時外戚許史

王氏其龍而上明親政事任用能吏吉上疏言得失上
以其言廷闕不甚龍異也吉遂謝病歸瑯琊元帝初卽
位遣使者徵吉吉年老道卒上悼之復遣使者云初吉
兼通五經能爲騶氏春秋以詩論語教授子駿以孝廉
爲郎左曹陳咸薦駿賢父子經明行修光祿勳匡衡亦
舉駿有專對材遷諫大夫使責淮陽憲王遷趙內史道
病免官歸起家復爲幽州刺史遷司隸校尉成帝欲大
用之出駿爲京兆尹試以政事代薛宣爲御史大夫居
位大歲病卒駿子崇以父任爲郎歷刺史郡守治有能
名建平三年以河南太守徵入爲御史大夫平帝卽位

崇爲大司空封扶平侯

果豐

張就

長孫順

髮福

案經典釋文敘錄一本作段福

漢書儒林傳食生授泰山栗豐吉授潞川長孫順順爲博士豐部刺史由是韓詩有王食長孫之學豐授山陽張就順授東海髮福皆至大官徒衆尤盛

邳惲

邳奇